



Inatsisartunut ilaasortaq Jens NapätôK, Naleraq
inatsisartut@inatsisartut.gl

**Taxanik ingerlatsinermut malittarisassat pillugit § 37 naapertorlugu
apeqquteqaammut 2025-096-imut akissut**

Dato: 14-07-2025
Sagsnr.: 2025 - 14567
ID. nr.: 98549871

Asasara Jens NapätôK

Inatsisartut suleriaasianni § 37 naapertorlugu taxanik ingerlatsinermut malittarisassat pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqquut 1: Sooq taxartarnermut malittarisassat nutaat, kingusinnerpaamik 2025-mi aasakkut atuutilernissaanik neriorsuutigineqartut, sulit atuutilersimanngillat? Akissut tunngavilersoqquneqarpoq.

Akissut: Nalunaarutissatut siunnersuut Transportministeriaqarfiup 2024-mi oktobarimi tusarniutigaa, nalunaarullu 1. juli 2025-mi atuutilissasoq tassani allassimalluni. Tusarniut arlalinnik akissuteqarfigineqarpoq. Taassumap kingorna Transportministeriaqarfiup siunnersuut iluarsiissuteqarfigaa.

Siunnersuut taanna oqaaseqarfissanngorlugu 2025-mi februaarimi Ineqarnermut, Attaveqaasersuutitut Isorliunersunullu Naalakkersuisoqarfimmut nassiuunneqarpoq. Nalunaarut atortuulersinneqarnissaa sioqqullugu Transportministeriaqarfiup qulaajarneqartariaqartutut isigaanik, siunnersuut apeqqutinik arlalinnik ilaqarpoq. Qinersinissap suaarutigineqarnera patsisaalluni siunnersuut, apeqqutillu isummerfigineqarsinnaasimanngillat.

Transportministeri Thomas Danielsen maajimi naapippara, siunnersuullu annikitsumik allannguiffigalugu atortuulersinneqassasoq tassani noqqaassutigalugu.


Nalunaarut qaqugu atortuulersinneqarsinnaassanersoq pillugu piffissaliussamik nutartikkamik Naalakkersuisoqarfiga Transportministeriaqarfimmit tigusinikuunngilaq.

Apeqquut 2: Taxanik ingerlatsineq taama sivilisutisumik malittarisassaqaqaratik ingerlanneqarnerat pisussissamisoorpa aamma sooq Naalakkersuisut taama soqutigisaqanngitsigippar, naak naluneqanngikkaluartoq tamatumani malittarisassaqaqannginnerat?

Akissut: Kalaallit Nunaanni taxanik ingerlatitsineq, angallannermut suliaasaqarfimmut ilaatillugu malittarisassiunneqarpoq. Angallannermut suliaasaqarfik naalagaaffiup akisussaaffigaa. Naalagaaffeqatigiinnermi oqartussaasut malittarisassanik suliaqarnissaannik qinnuigissallugit, Naalakkersuisut suliaassaraat.

Suliassaqarfik piaartumik malittarisassiuunneqassasoq siulima, uangalu
noqqaassutigini kuuput. Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga


Aqqaluaq B. Egede